

الأرض جهنمية

مالهْمش في الابتسامات

إلا بعد الاستفادات.

روبوتات

ماشيين بأوامر

حركتهم بالروموتات.

وأنا رايح الشغل

عندي أمل أنجز مهماتي

لكن إزاي؟

وأنا شامم صهد
ونسمة الهوا
تكوي الخد
مش عارف أركز
الصداع بيزحف من عنيّا
لباقي الدماغ.
على قد الشمس
ما بتخلع قلبك
وإنت داخل الشغل في الشتا
وتلومك إنك ح تسيبها
وتهدي اليوم الجميل ده
للروبوتات
والروموتات،

على قد ما بتكره نفسك
وانت خارج في الصيف
والأرض جهنمية
بتلسوع رجلك
وتلاقي الشمس في وشك.
فتصرخ:
(أنا مش لاقى أكسجين)
ولا حد يسمعك!